

Athör ë rou cï Paulo gät kəc gen Korinth Wët nhom

Athör ë rou tənë kəc cï gam gen Korinth, ee gët Paulo wäär cï wël wääc kam akut kəc cï gam kek ye. Kəc kək kam akut kəc cï gam yic aake ye Paulo lək guöp wël rɛc apɛi. Ku acï Paulo nyuöth ke lən wïc yen ye bï bɛn däär ke ke, ku acï puöu miɛt apɛi wɛn cï yen rot looi.

Aban tuenj athöör yic, Paulo ë jam ciɛɛnde kek akut kəc cï gam gen Korinth. Ku tət ke kɛn gët yen athöör wäär ke tuc puöu apɛi. Ku lək ke miɛt ë piände rin pɛl ë wët piny, ku däär kamken cï wël cï lək ke athör kənë yic cəl aloi rot. Ku jəl lək akut kəc cï gam bïk kəc nɔŋ cï gam pan Judia aa kony ë puöu ëbɛn. Ku wɛn jəl wël wïcke bï ke lueel thök, Paulo acï rot bɛn kony tənë kəc kək Korinth ye lueel lən kek atuuc ayic, ku lən cïi Paulo ye atuny la cök.

Käk tō thïn

Wët Nhom 1:1-11

Paulo ku akuut kəc cï gam gen Korinth 1:12-7:16

Kuɔony rin kəc cï gam Judia 8:1-9:15

Paulo ë rot kony lən ë yen atuuc ayic 10:1-13:10

Thök ë wël 13:11-13

¹ Athör kənë abö tənë Paulo, atuny Jethu Kritho ë wët wïc Nhialic, ku wämääthda Timothï ku tənë akut kəc cï gam gen Korinth, ku tənë kəc kək ë Nhialic ëbɛn rɛɛr pan Akaya.

2 Bī Nhialic Wāda ku Bēny Jethu Krītho we yiēk dhēēj ku dōōr.

Paulo ee Nhialic leec

3 Lecku Nhialic Wun Bānyda Jethu Krītho. Yen ē Wādan līr puōu tēnē ŷo ku yen ē ŷo dēet puōth kāreç yiic akōlakōl.

4 Ee ŷo dēet puōth kāreç ŷo yōk yiic, rin buk lēu aya buk kōç kōk aa dēet puōth kāracken yiic. Aayeku ke dēet puōth cīt tē ye Nhialic ŷo dēet puōth thīn.

5 Ku cīt lōn ye ŷok gum aya rin wēt Raan cī lōç ku dōç, yen ē tēde aya, Nhialic ē ŷo dēet puōth kājuēc ril yiic apeī akōlakōl.

6 Na guumku, ke rin bī we dēet puōth ku luāk we, na deet ŷopuōth ke rin bī we dēet puōth, ku gēm we riēl ye wek gum cīmēn tē ye ŷok kāŷ guōōm thīn aya.

7 Wek aa ŷōthku apeī, rin aŷicku lōn guum wek cīmēnda, kēya ŷok aabī deet puōu rōm ŷodhie.

8 Miēthakāi, awīcku bāk kāreç cī ŷo yōk wāār rēēr ŷok pan Athia ŷic. Kāreç ke cuk yōk aake dīt apeī ciēt ke cuk bī lēu buk ke guum, ŷok aa ŷo cī ŷonhīim ŷic wei ē piērda.

9 Acuk yōk lōn cīt ŷok kōç cī tēm thou. Ku kēnē aci rot looi bī nyuōth ŷo lōn acie riēlda yen ŷōthku, ee riēl Nhialic raan kōç cī thou jōt.

10 Aci ŷo puōōt bei kāk ke duēr ŷo nōk yiic, ku abī ŷo kony. Ku aŷōthku lōn bī yen ŷo ben kuōny bei,

11 cīmēn cī wek ŷo kony ē rōōkkun. Kēya, rōōk juēc bī looi ē riēnkua aabī Nhialic dhuk nhīim ku dōōç ŷo, ku kōç juēc aabī Nhialic leec rin kēpuōth cī looi tēnē ŷo.

Paulo aci kēnyde waar yic

12 Anjicku yopuöth kuat kāk yeku ke looi pinynhom ë tēn aa yeku ke looi puön yer cī Nhialic gām yo. Ku ë yen kēnē yo cōl anjic rēēr kek we. Ku yen aloiku dhēēn ë Nhialic, acie n̄iēēc kaŋ tō ke raan.

13-14 Wek aa ya gāt kāk lēukē bāk ke kueen ku dētkē keyiic. Ku na cōk amēn cīi wek wēlkā ye deet ëbēn, ka ya n̄öōth lōn n̄ot bī wek ke deet yiic ëbēn, rin na ye akōl le Bānyda Jethu dhuk ke wek aabi nhiam riēnkua cīmēn bī yok nhiam ë we.

15 Rin njic yēn ye lōn bī wek wēlkiē deet, aca guiir tuēn ba la tēnē we bāk dēt bēn yōk.

16 Rin ë ca guiir ba tēēk tēnē we tē le yēn Mathe-donia, ku tē le yēn dhuk aya, ku bāk ya cōl ala Judia.

17 Wäär guiir yēn kēnydiē kēya, ye nyooth lōn cīi yēn ye wīc ba dhiel looi? Tē guiir yēn kē wiēc ba looi cā ye yiēk yanhom? Tēdē ya ke guiir cīmēn kōc pinynhom ë tēn, kōc ye lueel, “Yēē,” Ku gokē lueel, “Yei, yei,” Nyin yic kedhie?

18 Cīmēn njic yok ye alanden lōn Nhialic ë wētde tiēēn nhom, kē ca thōn we ēcie “Yēē,” tēdē ke ye “Yei.”

19 Rin Wēn Nhialic Jethu Kritho ye yok wētde lēk we yok Thilath ku Timothi, ë kēc bēn ke ye puōu rou, ēcī bēn ke ye puōu tōk.

20 Na cōk la kājuēc cī Nhialic thōn ka tōk rin Raan cī lōc ku dōc, rin yen ë kāk cī Nhialic ke thōn tiēēn nhīim. Ku ayeku lueel ë riēnke, “Yenakan,” tē leec yok Nhialic.

21 Ee Nhialic yen ë yo looi yodhie buk aa tōk kek Raan cī lōc ku dōc. Acī yo dōc,

22 ku yik yo kīnden ye yok kacke, ku tēēu Wēike

γopuōth bī nyooth lōn ye γok kacken bī kāk cī tōōu yōk.

²³ Na ye lueth yen luεel, ke Nhialic abā tēm awuōc. Wēt kēc γen ben la Korinth ē rin cīi γen ye wīc ba we cōl aben gum.

²⁴ Acuk wīc buk we mēc kē bāk gam. Anjicku lōn wek aa ril ē gamdun yic. Wek aa konyku ke rin miēt ē piāndun.

2

¹ Kēya, aca ben tak ba cīi bō tēnē we rin bī ciēn kērεεc dēt ben rot looi.

² Rin na cal we aa riāāk puōth, ka cīn raan dēt cī dōŋ bī γen cōl amit puōu, rin aa wek aca rac puōth.

³ Ku cīt lōn yen tēnē cī γen we gāt athōōr thīn, γen acīi bī bēn, rin aya yōk ke γa bī riāāk ē puōu yōk, tē ya tak ke γa bī kē cōl γa amit puōu yōk thīn. Ee njic alanden, kē bā cōl amit puōu abī we cōl amit puōth aya.

⁴ Wäär gēt γen we athōōr, γen a γa rem puōu apeī aba ya dhiau, ku kēn luōōi acie lōn bī γen we rac puōth, ee rin bāk tē nhiεer γen we thīn apeī njic.

Pēl wēt piny tēnē raan cā awuōc looi

⁵ Na cī raan awuōc looi tēnē raan dēt, ka kēc looi tēnē γen ē rot, ee tēnē we rin acīt kē cī looi tēnē we cōk cīi ye we ēbēn. (Aluεel kēlā rin acā wīc ba jam ē wēt kēnē yic apeī.)

⁶ Ee tēde yen tē cī kōc juēc kamkun raan kēnē wēt thīn.

⁷ Ēmēn kēya, wek aa dhil wēt pāl piny tēnē ye ku dεεtkē puōu rin bī puōu cīi pēk wei bī jāl ē gam yic.

⁸ Kēya, wek aa yōōk bāk cōl anjic lōn nhiεer wek ye.

⁹ Wek aaca gät athör kënë rin ë wiëc ba ñic lön ye wek wëlkiën ca lëk we gam ëbën.

¹⁰ Na le raan töñ pël wek wët piny tënë ye, ke ãen apël wët piny tënë ye aya, tã le yen awuöc cï looi dhiel päl piny tënë ye ayic. Aya looi ë rienkun ke Raan cï lóc ku dác daai kë tã ãapuöu.

¹¹ ãen ë kënë looi rin bi Bëny jakréc riël cïi yök bi luöida rac, rin teden yen luui thïn anjicku apëi.

Diëer ë Paulo gen Troath

¹² Wäär ãëet ãen gen Troath ba Wët Puöth Yam ë Raan cï lóc ku dác bën lëk kác, ke yök lön cï Bëny Jethu dhël ë luöi ñaany thok.

¹³ Ku ãen ë ãa cï diëer apëi rin këc ãen wämääth Tito yök. Guö kác tööñ ku bar Mathedonia.

Rielye yök tënë Raan cï lóc ku dác

¹⁴ Lecku Nhialic! Ee ãook wat nhïim akölaköl buk tiam rin Raan cï lóc ku dác. Nhialic ë ão luöi bi ñiëëc rin Raan cï lóc ku dác piny thöñ yic ëbën cimën miök ñir apëi.

¹⁵ Rin ãok aa cit adöñ ñir mit ye Raan cï lóc ku dác gäm Nhialic, adöñ ñir ë thiëi piny kam kác luëk Nhialic, ku kác mär.

¹⁶ Tënë kác kök ë ñuäc rëec ë thou bëëi, ku tënë kác kök ë ñuäc mit ë pïr bëëi. Yeña lëk ye bi kënë looi?

¹⁷ ãok aacïi cit kác juëc kök wët ë Nhialic looi bi kek aa la lim. ãok aa wët ë yic lueel ë Nhialic nhom, rin ãok aa kác Raan cï lóc ku dác, ku ë Nhialic yen acï ão tooc.

3

Kác lui ë Döör Yam

¹ Yakë tak lön yok aa ben röt lëk we? Acie tède. Kac kök athör lööm tënë we bi kek röt la nyuöth kac kök, ku kac kök aa athör bëï tënë kac kök bi kek röt bën nyuöth we. Ku yok acie wic athör cit kakkä.

² Aa wek athördan yeku muk, ci göt yopuöth bi raan ebën njic ku kueen.

³ Wek aa cit athör bö tënë Raan ci lac ku dac. Akëc Raan ci lac ku dac göt galam, aci göt Wëi ë Nhialic pïr. Akëc göt aleel pat yiic köth, aci göt yopuöth.

⁴ Alëuku buk kakkä lueel ke yo njic Raan ci lac ku dac ë Nhialic nhom.

⁵ Acä lëu ba lueel lön yok aa la rielda ë röt ye yok Nhialic luöï. Riel ye yok ye luöï ayeku yök tënë ye.

⁶ Yen aci yo yiëk riel ye yok kac lui rin döör ë yam kek ye, döör ë Wëi cïi cit löñ ci göt. Löñ ci göt ee thou bëï tënë kac, ku Wëi ë pïr bëï.

⁷ Löñ ëci göt aleel pat yiic köth, ku diik Nhialic ëci rot nyuöth wäär gem ye. Na cak a wäär ci ruel Nhialic yen ci Mothith paat piny bën jäl amäath, ke not ril apëi bi kac Itharel cïi lëu bik Mothith döt. Këya, na ye löñ thou bëï, tënë kac yen luui kac yen bën kek diikdüt cit kënë,

⁸ ke diik luoi Wëi cïi bi düt apëi!

⁹ Na ye löñ döör thëer kac cal atëm awuöc la diik, ke ye diikdüt yindë bi löñ döör yam kac cal aala cök tënë Nhialic bëï!

¹⁰ Ee yic, löñ döör thëer acin këpuöth bi ye thöön kek löñ döör yam.

¹¹ Na ye löñ döör thëer ci guo bën liu la diik, ke ye diikdüt yindë bi döör yam cïi bi kañ liu bëï!

¹² ʎok aa cie rišöc tē jīem ʎok rin le ʎok nōth lōŋ dšör yam la diikdīt akölrīēc ēbēn

¹³ ʎok aacī cīt Mothith wäär yenyin kum bī kōc Itharel diik Nhialic cīi ŋic tē jīel yen thīn amääth.

¹⁴ Keek aake cī muör puōth. Agut cīt emēn kēn ke cōl aacī kāŋ ŋic aŋoot tē kueen kek athör lōŋ theer, kēn ke muör puōth aŋot tō thīn. Ku aye nyaai tē mēt raan rot Raan cī lōc ku dōc.

¹⁵ Agut cīt emēn gēt ʎen athör, tē kueen kek lōŋ Mothith, kēn ke muör puōth bīk kāŋ cīi ŋic aŋoot thīn.

¹⁶ Ku kēnē aye nyaai tē mēt raan rot Bēny.

¹⁷ Ku Bēny ye lueel ē wēlkā yīic ē Wēi. Ku tē rēer Wēi Bēny thīn, lääu nhom ē tō thīn.

¹⁸ Diik Nhialic ayeku nyuōath rin cīn yen kēn ʎo muör puōth. Ku Wēi Bēny ē ʎo looi ēbēn buk ciēt ye, ku diεekde ē rot juak, kēnē ē luoi Wēi ē Bēny.

4

Riel Nhialic gupkuan cīt tōny cī cuēec tiap

¹ Kēya, ʎok aacie dhör ē luoi kēnē rin ē Nhialic yen agēm ye ʎo ē lier piānde.

² ʎok aacī kuec buk kāk ye moony ku kāk kōc rac gup cīi ye lueel. Ee yic yen ayeku lueel kōc nhīim. Ku yen aye kek ye ŋic kepuōth ēbēn, yeku kōc yīndē ē Nhialic nhom.

³ Na cīi kōc kōk Wēt Puōth Yam yeku lēk kōc ye deet yic, ka kōc cī puōth määär kek aacie ye ye deet yic.

⁴ Jōŋrac mac kōc piny kēnē ya aköl aci kōc kēc gam muör puōth, ku bīk ruel ē bēn tēnē Wēt Puōth Yam

cii ye tñ, wët yam diik Raan ci lác ku dác yen cit Nhialic guöp.

⁵ Yok aaci kác ye læk rin bi yok röt luεel, yok aa kác læk rin Jethu Kritho ke ye Bëny. Ku yook ke yo ye aloony tēnē we rin Jethu.

⁶ Nhialic yen luel ye athör thεer yic elä, “Cəl ruel aruel muöth yic.” Yen ë Nhialic tööñ cəl ruel ñiëc kañ aruel yopuöth bi yo nyuöth diik Nhialic ë ruel Raan ci lác ku dác nyin.

⁷ Ku yok kác la këpuöth diit kēnē, yok aa cit tööny ci cuëc ë tiöp. Ku ë rot looi këya bi nyuöth lön riöldit apɛi ë bēn tēnē Nhialic, acie yo.

⁸ Yok aa kāk jör yo yök ku aacie yo ye rac. Na cəkku kë loiku kuc, ke yok aacie dhör.

⁹ Yok aaye cəl agum, ku yok aa kēc Nhialic päl wei. Yok aaci nök buk la nañ piiny, ku yok aa kēc thou.

¹⁰ Kwat tē yeku tēek ebēn yok aa ciēt kác bi nök cīmēn Jethu. Këya alēu kác kök bik pīr Jethu tñ yögup.

¹¹ Rin yok kác pīr, yok aa rēer akölaköl yo cit kác bi thou rin Jethu, rin bi piërde tñ guöpdan bi thou yic.

¹² Këya, yok thou rin bi wek pīr.

¹³ Acī gät athör thεer wël Nhialic yic elä, “Yen ë jam rin ci yen gam.” Ku rin le yok gam töñ thöñ, yok aa jam aya rin ci yok gam.

¹⁴ Rin anjicku Nhialic yen jät Bëny Jethu bi bēn pīr, abi yo jät kek Jethu aya, ku nyεei yo ku we bi yo yäth tē rēer yen thīn.

15 Kënë aloi rot ebën ë riengkun. Aloï rot rin bï dhëej ë Nhialic yet tënë kəc juëc, rin bï kəc juëkä piath ë Nhialic njic, ku bik aa leec ku dorkë.

Pir rin ë gam

16 Ku rin ë wët kënë yok aacie puöth ë bath cək alon thöök rielda amääth-amääth, ke piäthkua aa ber piny akölaköl.

17 Aterthii yeku ke yök emën, aa guir yook rin pir akölrüëc bï aterthii kuankä looi bik cii ye kənj acin.

18 Rin yok aacie yopuöth ë tääu kək ye tijn yiic, yok aa yopuöth tääu kək cii ke ye tijn yiic. Rin kək ye tijn aa guə jal, ku kək cii ke ye tijn aa rëer thin athεε.

5

1 Rin anjicku lən guäpkua pinynhom ë tən aa cit duël ye yok rëer thin kaam koor. Ku na la duël kënë riääk ke Nhialic abï yo yiëk yöt tēden rëer yen thin, yon kēc raan looi yecin. Yon ë looi Nhialic nom guəp, cii bï kənj riääk.

2 Cit emën rëer yok yo dhiau, ayeku wic lən bï Nhialic yo gam gupkuan yam bö nhial.

3 Ku rin cii yok bï njənj ë guəp, yok aabï gam guəp yam.

4 Gupkuan rëer ke yo pinynhom aacii bï rëer thin athεε. Yok aa dhiau rin kəjuëc buk guum. Ku acie lən wic yok ye buk thou ayic, kē wicku ë lən bï Nhialic yo waar bï yo gam guəp ë yam bï pir akölrüëc ebën. Këya, yok aa wic gupkuan pinynhom bï ke waar guəp bï rëer thin athεε.

5 Ee Nhialic yen aci yo guir rin awër kënë. Ku gəm yo Wëike buk njic lən bï yen ye looi.

6 Këya, yok aa rëer yo deet yopuöth akölaköl. Ku anjicku tē rëer yok ë guəpdan kënë yic ë pinynhom

tën, yok aa rëer ke yo mec kek tën bi yok rëer thin kek Bëny.

⁷Yok aa pîr ë gam, acie kë yeku tiŋ.

⁸Yok aa rëer yo deet yopuõth ku guirku röt apeï buk guõpdan pinynhom puõl rin bi yok la tã rëer Bëny thin.

⁹Adhilku looi buk Bëny cõl amit puõu piërda yic pinynhom ë tën, ku pîrdan akõldã aya.

¹⁰Rin yok aabi dhiel kõõc Raan ci lõc ku dõc nhom akõl ë luk, bi ñek atëm awuõc, tãdë ke dõc rin kãkken ci looi wãar pîir yen pinynhom.

Nhialic ë kãc cõl amããth kek ye rin Jethu

¹¹Cit lõn ñic yok ye apeï yen tã dhil yok riõõc thin ë Bëny, yen aye yok kãc kõk lëk bik kepuõth wël Bëny. Bëny añic yo apeï, ku aya ñõõth lõn piãthkun yiic wek aa ñic yo aya.

¹²Acie lõn wic yok ye buk röt ben lëk we, wek aa wicku buk we nyuõth kë bi wek aa nhiam ë yo, tã rëer wek kek kãc nhiam kãk ye tiŋ ku aa liu kepuõth.

¹³Na ye kãc kõk yo tiŋ ke yo ci nhüim liããp, ke këda ë röt kek Nhialic, na lok nhüim kõk, ke këpiathdun.

¹⁴Kãk yeku ke looi, aa yeku looi rin nhiër Raan ci lõc ku dõc. Ku ëmën añicku lõn ci raan tõk thou rin kãc ëbën. Ku këya, kãc ëbën aa rãm thuõnde.

¹⁵Acï thou rin kãc ëbën. Këya, kãc pîr aaciï dhil pîr rin bi kek puõth miët ë röt, ku aabi pîr rienke yen raan ci thou ku ben jõt pîr ë rienken.

¹⁶Ku ëmën le tuen yok aaciï raan lëu buk ñic cit tã ye tiëŋ ye. Ku na le kãc ke ñic Raan ci lõc ku dõc ke ye raan wãar rëer pinynhom, ka cie tãde këya ëmën.

17 Të cī raan rot mēt Raan cī ləc ku dəc, ke yeen acī ya raan cī bən cak. Kēthēer acī jəl ku kēn yam acī bən.

18 Kēnē ee Nhialic yen aloi ye ebən. Acī ɣo däär kek ye rin Raan cī ləc ku dəc. Ku ɣik ɣo luoi buk kəc kək däär kek ye.

19 Kē yeku lək kəc, ee lən looi Nhialic kəc ebən bik däär kek ye rin Raan cī ləc ku dəc. Nhialic akēc awuöc yekē ke looi kuēc nhüim, ku acī ɣo gām luoi ye luel tē bī ɣok kəc ya däär thīn.

20 Kēya, ɣok aa tuc jam nyin Raan cī ləc ku dəc. Acit Nhialic guşp yen luel wētde ē thuŋda. ɣok aa jam rin Raan cī ləc ku dəc, ku ɣok aa thiēc raan ebən. “Däärkē kek Nhialic.”

21 Raan cī ləc ku dəc ē cīn guşp adumuşm. Ku acī Nhialic looi bī Jethu thou rin adumuşmkua, rin tē mət ɣok röt kek ye, ke ɣok aabī ya kəc la cök ē Nhialic.

6

1 Luoida yic ɣodhie ke Nhialic, wek aa yöökku, wek kəc cī dhēēŋ Nhialic yök bāk cīi cəl adēer nhom piny ē path.

2 Rin acī Nhialic luel, “Aköl wäär wic ɣen ye ba we kony, ɣen acī röökkun bən piŋ. Ku aköl wäär wic ɣen we ba we luök, wek aaca bən kony.” Piŋkē, kēnē yen aköl bī wek kuəny Nhialic yök, aköl yen aköl bī we luök.

3 Acuk wic bī la raan luiku kē jör ye kēriēc ebən yic, rin bī ciēn raan luel ye lən cīi luoida path.

4 Kēya, ayeku nyuəth kēriēc ebən yeku looi yic lən ye ɣok kəc lui rin ē Nhialic, rin ye ɣok käreec ku kārīl ɣo jöör guum ē path ke ɣo cīi gup tuc.

⁵ Үок ааци that, үок ааци mac ku jət kəc juęc man luɔida aliääp nhial, ku үок aa үо ye luui apɛi ku cuk nin wakɔu ku nək cək үо.

⁶ Ku үок ааци rëer ke үо cɪn gup ajuęcс үо lir gup, ke үо үer puəth, ku detku kəŋ yiic. Ku Wëi Nhialic aci rëer kek үо ku nhiërda acɪn tē diu thɪn,

⁷ ee wët yic yen ayeku lək kəc ɛ riɛl Nhialic. Ku kē le үок cək Nhialic nhom yen ɛ təŋ ye үок thər ku kony үок röt.

⁸ Kəc kək aa үо leec ku kəc kək aa үо bui. Kəc aa үо jääm gup ku kəc kək aa үо ŋięc jääm. Үок ааye yšök lən ye үо alueth ku ɛ yic yen ayeku lueel akölaköl.

⁹ Үок ааye ciëŋ ciët үо cii ŋic ku үок aa ŋic apɛi, ayekē lueel lən thou үок, ku tiëŋkē, үок aa ŋot үо pɪr. Aa үо baŋ apɛi ku aacie үо ye үeet wei,

¹⁰ Үок aa rëer ke үо mit puəth akölaköl agut aköl guum үок thɪn. Na cək alən ŋöŋ үок ke үок aa kəc juęc looi bɪk jak, na cək alən cɪn үок kəŋ, ke үок aa ŋot үо la kərięcс ɛbən.

¹¹ Mäthkien gen Korinth! Wek aa cuk lək alanden үо lääu puəth.

¹² Nhiërda tənë we akęc yit, aa wek аaci nhiërdun tənë үо yit.

¹³ Cɪt ɛmən lëäu үок puəth tənë we, wek ayšök ciët we ye miëthkië, bäk puəth lääu aya.

Duk mət kek kəc kuc Nhialic

¹⁴ Duškkē röt mat kek kəc kęc wët Jethu gam. Yeŋö kəc la cək Nhialic nhom kek kəc cii la cək mat? Yeŋö ruɛl ku mušöth cəl ааye tək?

¹⁵ Le mänh tō kam Raan cɪ ləc ku dəc kek jəŋrac? Yeŋö rəm kəc Krithiaan kek kəc cie Krithiaan?

16 Yenö luanj rëer Nhialic thïn cəl aräm kek luanj kəc ye ke jak cï kiëët door thïn? Yok aa luanj rëer Nhialic thïn. Cïmën cï Nhialic ye lueel ëlä, “Yen abi paandië looi ke kackië ku rëer ke keek yen abi ya Nhialicden ku wek aabi ya kackië.”

17 Ku lueel Bëny aya, “Wek aa dhil jäl kam kəc kəc gam ku təkəkə we thook tənë keek. Duəkkə kə la guəp acuəl rin adumuəəm ye gəət, ku wek aaba gam.”

18 “Yen abi ya wuurdun, ku wek aabi ya wätkië ku nyiërkië,” lueel Bëny Madhəl.

7

1 Mäthkië, Nhialic acï käckä thən ëbën. Këya wuunyku yogup wei käreç yeku looi, bi guäpkua ku wëikua yiic ciën ajuëëc. Yok aa dhil Nhialic theek ku themku buk pïr ë pïr la cök Nhialic nhom.

Akut kəc cï gam ee Paulo cəl amit puəu

2 Lääükə puəth tənë yo. Acïn raan tönj cuk luəi awuəc, acïn raan tönj cuk kum thok, ku acïn raan tönj cï yok kəde nyaai dhël ruëëny.

3 Të jiem yen kələ ka cie wek nyiëeny, rin aca lueel wäthëer lən nhiërda tənë we aacie yit yopuəth. Alëuku buk pïr ku thouku kek we.

4 Aya yök alëu ba jam tənë we kecïn kə muəony, yen anhiam ë we, wek aa yen dëst puəu apëi, cək alən le yen käreç ya yök, ke yen amit puəu apëidit.

⁵ Agut wäär cək yək yëet Mathedonia yək kəc gup kaŋ la ləŋ. Yək aa yə cī rəm kek ater juəc ku agəth ke kəc kək, ku riöc yopuəth.

⁶ Ku Nhialic yen kəc cī puəth mum dεet puəth, aci yə bən dεet puəth rin cī yen Tito bən cəl abö tənə yə.

⁷ Acie bənde yen cī yə bən cəl amit puəth ə rot, tē cī wek ye dεet puəu thīn aci yə yuum puəth aya. Acī lək yən lən wīc wek ye apei ba we la neem, ku tē cī wek puəth riëk thīn rin kək cī röt looi tənə ya, ku lən wīc wek ye apei bək ya kony. Kəya, emən yən aci puəu miət apeiđit.

⁸ Yən acīi rot gək cək alən cī athör wäär ca gät we we cəl arem puəth, yən aa ya cī rot gək tuen, rin cī athördiē we reem puəth, rin aŋiεc rəm ə puəu rin athör ca gət aci guə bən jəl wepuəth.

⁹ Ku emən yən amit puəu, ku acie rin cī yən we cəl arem puəth, ee rin cī arεem ə puəu we cəl adhuk wepuəth ciēn. Arem ə puəu aci rot looi ke cīt kē wīc Nhialic. Ku kəya, acīn kərəεc cuk looi tənə we.

¹⁰ Rin arεem puəu ye Nhialic bēi tənə we, ee we cəl adhuk wepuəth ciēn bī we luək, ku acīn agääk rot ə tēn. Ku na ye we reem puəth rin wīc wek ye bək ke ya looi kək pinynhom, ke arεem puəu kənə ə we cəl aloi adumuööm ku mēr wëikun.

¹¹ Tiënkē kənə wīc Nhialic arεem ə piändun yic. Wek aci puəth tīr. Acäk wīc bək kaŋ cək piny. Wek aaci puəth riäk rin kərəεc cī kuöc looi. Wek aaci ya riöc ə Nhialic ku yakē wīc apei ba la tənə we. Ku dhielkē looi bək raan cī kəriëc ebən looi tēm awuöc. Acäk nyuəth lən kənə cək looi kəriëc ebən yic ə ye tēde.

¹² Këya, na cək a wäär cī ɣen ke athör kënë gət, ka cie rin raan wäär cä awuöc looi ku acie rin akut cī luöi kërac, ee rin bäk tē ye wek diir thīn ē ɣen nyuəəth Nhialic nhom.

¹³ Kënë, yen acəl ɣo adeet ɣopuəəth.

Ku dēt aya, deet ē piānda, ɣok aaci puəəth bēn miēt apēi wäär piŋ ɣok tē cī Tito puəu mit thīn, ku tē cī wek ēbēn ye bēn dhuök puəu piny thīn.

¹⁴ Wek aa we ca leec tēnē ye, ku wek aa kēc ɣen cəl ayär guəp. Wek aa yeku lək yith akölaköl, ku ɣen amit puəu rin lēc wäär ɣen we leec aci ya yic.

¹⁵ Këya, nhierden nhiēr yen we, ee rot juak apēi tē tək yen we tē ye wek ye thæk thīn ku piēŋkē wētde, ku tē cī wek ye luər thīn abī we aa lath.

¹⁶ ɣen amit puəu rin ŋöəth ɣen we.

8

Ajuēr rin akut kəc cī gam Judia

¹ Miēthakäi, awīcku bäk tē cī Nhialic dhēēŋde nyuəəth thīn tēnē akuut kəc cī gam Mathedonia ŋic.

² Cək alən cī kärer apēi ke yök, ku wēn cək kek aa kəc ŋöŋ aya, aake ye puəəth miēt apēi tē miöc kek.

³ Alēu ba lək we ayic lən kek aake ye miöc bīk kəkken lik mukkē aa dhuəl wei. Ku ayekē looi piānden ē röt.

⁴ Ku keek aake ye ɣo lac thiēēc lən anhiarkē aya bīk la kək yekē ke gam tēnē kəc ē Nhialic Judia.

⁵ Aaci röt kaŋ gām Bēny Jethu tuēŋ, ku jəl Nhialic ke cəl aa gēm röt ɣo təcīt tē wīc ye. Ee cuk ye tak lən bī kek kək cīt kəkä gam.

⁶ Këya, ku jolku Tito raan wäär jök ë luoi kënë thiëc bi la tuen kek ye, ku kony we bäk luoidun path kënë thääp.

⁷ Wek aa la gamdit. Anjickë apath yen tē ye wek ye lək kɔc thīn. Wek aa la njëcdit cī wek röt gam pušu ëbën, ku nhiarkë ɣo. Wek aa kəriëc ëbën njic looi apath. Ku këya, wek aa wicku bäk miöcdun muk thīn.

⁸ Acä ye lueel lɔn dhil wek ye looi, ku awiëc ba nyooth tē nhiεεr kɔc kök ye thīn bik kony. Këya, awiëc ba njic tē ye nhiërdun yic thīn.

⁹ Wek aa njic dhëñ Bányda Jethu Kritho cɔk alɔn yen ajak, ka cī bën a raan njöñ ë riεnkun, ku bi njäände ya kë yök wek jicεk.

¹⁰ Wëtdië, apath bäk këwäär cäk jɔck runwäär thääp. Aa wek kɔc tuen cī luoi kënë jɔck, ku acie jök ë rot ë tō wepuöth bäk luoi këya.

¹¹ Ëmën, thääpkë luoi wäär cäk jɔck. Luoi kë kë nhiarkë wepuöth cit tēwäär cäk guiër ye käk muökkë ke ëmën.

¹² Na wic ba miöoc, ke Nhialic agam këdun ba gam këdun tō thīn yic wic ba gam, ku acie kë liu thīn.

¹³ Acä ye lueel lɔn ye we jöt yiëth kathiεk rin bi kɔc kök kəpuɔl muk.

¹⁴ Kë lueel ë lɔn na lak kajuëc ëmën, ke we kony kɔc cīn kəñ rin na lek kajuëc aköldä, ke ke kony we aya. Këlä, ke wek aabi röt kony wedhie ëbën.

¹⁵ Cīmën ye athör thεεr wël Nhialic ye lueel ëlä rin miëth cī Nhialic gäm kɔc Itharel wäär ror liεεt, “Raan cī kajuëc kuany acīn käk cīi bën döñ piny, ku raan cī käklik kuany acī ben la käk wic.”

Tito ku kɔc kɔk aaci tuɔɔc Korinth

¹⁶ Ƴen alec Nhialic rin cī yen Tito cəl anhiar we bī we kony, nhiër thōŋ ke nhiër nhiëer Ƴen we.

¹⁷ Rin Ƴok aaci Tito thiëec bī la tēnē we, go gam. Ku ē wīc bī cak la aya ē rot.

¹⁸ Ku Ƴok aa toc wāmääth cī gam kek ye, raan theek akuut kɔc cī gam ëbën, rin ē yen Wët Puøth Yam lëk kɔc.

¹⁹ Ku yeen aya ē raan cī akuut kɔc cī gam kuany bī cath kek Ƴo tē Ƴëth Ƴok kuɔnydan yeku looi bī Bëny nhom guöp leec, ku nyoothku tē nhiërku luoi buk aa kony.

²⁰ Acuk wīc bī la kɔc jiëëm Ƴogup tē ye Ƴok kāk cī juaarkä ŋiɛc luoi thīn.

²¹ Awīcku bī ya kē la cök yen yeku looi, ku acie Bëny nhom ē rot ee raan nhom ëbën.

²² Këya, Ƴok aa toc wāmääth dët ke ke, wāmääth cuk them arak juëc dhöl juëc ku acuk yök ke ye raan nhiar kuɔny. Ku cīt ëmën ŋic yen we apëi, anhiëer bī we kony aya apëi.

²³ Tito ē raan ye Ƴok rəm ku alui kek Ƴen bī we kony, ku miëthakäi cath ke ye, aa kɔc tō nyīn akuut kök, ku aa lɛc Raan cī lɔc ku dɔc.

²⁴ Nyuøthkë ke nhiërdun rin bī akuut kɔc cī gam tīŋ ku ŋickë, kē ye Ƴok nhiam ē we.

9*Guiër kuɔny tēnē kɔc cī gam Judia*

¹ Acä wīc ba gët tēnē we rin kuɔny bāk looi tēnē kɔc cī gam Judia.

² Rin aŋiɛc atö wepuøth bāk kony, ku wek aaca lɛɛc tēnē kɔc Mathedonia. “Aca lëk ke, Miëthakäi

cī gam pan Akaya ë wickë bik kuəny guə jəək runwäär.” Ku luəidun nhiεεr wek ye bāk kony, acī kəc juēc apɛi kamken wɛl puəth thīn bik kony aya.

³ Ēmən γɛn atoc miəthakāi cī gamkā rin bī lɛcdan ye γok we leec cīi ye lueth. Ku cīt lən cī γɛn ye lueel, wek aabī γök ke we cī kuənydun guiir.

⁴ Rin na le kəc Mathedonia la kek γɛn Korinth, ku yökkë we ke we kēc röt guiir, ke γok aabī gup yār apɛi tē γök kek kē ye γok we leec ke kēc rot looi, ku pāl yār ë guəpdun ηic γok we apɛi.

⁵ Kēya, aca tak lən puəth yen ba wämāthakua cəl aala tənë we γanhom tuɛŋ, bīk wēəu cāk lueel kaŋ kušöt yiic. Na jāl la ke γök keek ke cāk mat yiic, ku abī rot nyooth lən ë wiäckë bāk looi piäthkun ke cīi lək we.

⁶ Anjickë apɛi lən raan pur domdīt ë rap juēc tem, ku raan pur domkoor acīn rap juēc ye tem.

⁷ Njɛk adhil kēden bī gam cī guiir yepuəu ëbən gam, ke cīi nhom thiek tēdë ke mēc ye, rin Nhialic anhiar raan kēde gam puəu ëbən.

⁸ Ku aləu Nhialic bī gām kajuēc apɛi, ku yīn abī la kajuēc path ye yīn kəc kony akölaköl.

⁹ Cīmən ye athör thεεr wɛl Nhialic ye lueel əlä, “Acī kəc ηəŋ kony puəu ëbən, ku yeen abī rēer ke la cök akölriēc.”

¹⁰ Ku Nhialic ë kəth cəl alok bik ya miəth ye cam abī kakkun juak yiic, ku abī we cəl aala cök apɛi, bāk kajuēc ya gam tənë kəc wīc kuəny.

¹¹ Abī Nhialic looi bāk jak apɛi kəriēc ëbən bāk aa abiökruεεl akölaköl. Ku kəc juēc aabī Nhialic leec tē le γok kuənydun cāk wīc puəu ëbən gām ke.

12 Tē luui wek kēlä, ka cie kāk wïc kəc cī gam kek yakē ke lēu ē röt, wek aa kəc juēc cəl alec Nhialic.

13 Ku rin luaidun puəth cī wek röt nyuəəth, kəc juēc aabī Nhialic leec rin looi wek kāk wïc Wēt Puəth Yam Raan cī ləc ku dəc wäär cäk gam, ku ramkē ke ke ku raan ēbēn.

14 Ku rökkken yiic ē rienkun aabī kepuəth wel rin dhēējđit cī Nhialic gām we.

15 Lecku Nhialic rin miöcdüit cīn kē thōŋ kek cī gām ɣo.

10

Paulo ē luaide kony lən puəth yen

1 Wek aləŋ ē puəu ēbēn ɣen Paulo rin lier puəu Raan cī ləc ku dəc, cäk alən ye kəc kək kamkun ye lueel lən ye ɣen riöc tē rēm ɣen ke we, ku ya wəl tuc lueel tē mec ɣen.

2 Wek aləŋ na la bēn tēnē we ke ɣen acī bī bēn jam wəl tuc apēi tēnē kəc kək kamkun, cīt tē ya tāk ye lən dhil yen ya tēde, rin ye kəc kək ye lueel lən pīir ɣok pīr pinynhom tēn.

3 Ee yic ɣok aa kəc pīr pinynhom tēn, ku ɣok aacie thər cīt tē ye kəc ē pinynhom thər thīn.

4 Riel ye ɣok thər acie riəldan pinynhom, ee riəldit ye Nhialic yiək ɣo yen aye ɣok kāk bääny Nhialic gəl nhom göök. ɣok aa luethken yekē ke lueel rac ēbēn.

5 ɣok aa tēktək kanhiaam cī wēt Nhialic thany piny rac. Ku dəmku kuat tēktək kēnē cimēn raan ater dhie ye dəm təŋ yic, ku loiku bī Raan cī ləc ku dəc theek.

⁶ Ku tē tīŋ ɣok ye ka athëëkdun cīn yic diu, ke ɣok aabī kuat raan yeku yök ke dhäl wēt Nhialic ë yic tēm awuśc.

⁷ Wek aa kǎŋ tīŋ kōth ayeer. Na le raan ye gam alanden lön ë yen raan ë Raan cī lɔc ku dɔc, ke cɔl atak kē looi yic apath, rin ɣok aa kɔc Raan cī lɔc ku dɔc aya cīmēnde.

⁸ ɣen acī guöp ye yār tē cɔk ɣen jīem kanhiaam riël cī Bēny gām ɣo. Riël cī gām ɣo ee riël bī ɣok gam cɔk piny ku cīi we rɛc.

⁹ Awięc bāk cīi tak lön wīc ɣen ye ba we riääc athör ya gät we.

¹⁰ Aye raan dēt lueel, “Athör Paulo aaye gät ke thiek yiic, ku tē rēer yen ke ɣo ë kɔc ku wēlke aacie riël!”

¹¹ Adhil raan kēnē deet yic lön acīn kē wääc athör ya ke gät tē mec ɣen, kek kē ba looi tē ben ɣen dhuk tēnē we.

¹² Acuk wīc buk röt thöön kek kɔc röt leec kamken ë röt. Acīn kē ŋickë. Keek aa lɛc den thöön kamken ë röt ke cie lɛc Nhialic.

¹³ Kēya, ɣok aaciī bī nhiam ku jīemku kāk liu luoi cī gām ɣo yic buk looi. Nhiaamda abī nhom pēk luoi cī Nhialic yiěk ɣo yic. Ku ala yic luoida yen loiku kamkun.

¹⁴ ɣok aaciī bī nhiam apei cīt tēn bī yen ke rot luoi thīn tēn kēc ɣok bēn tēnē we, rin cī ɣok Wēt Puoth Yam rin Raan cī lɔc ku dɔc bēi tēnē we.

¹⁵ Ku ɣok aacie nhiam luoi cī kɔc kɔk looi. Kē yeku ŋöth ë lön bī gamdun rot juak rin bī luoida ë kamkun rot juak apei ku thiēi piny.

¹⁶ Ku buk lēu buk Wēt Puoth Yam la lɛk kɔc bēi mec ke we, rin acuk wīc buk nhiam luoi cī Nhialic gām kɔc kɔk bīk looi bēi kɔk yiic.

¹⁷ Ku cīt lən ye wël cī gōt athör theer wël Nhialic yic ye lueel ëlä, “Raan wic ye bī nhiam adhil nhiam rin Bëny.”

¹⁸ Rin raan rot leec ë rot acie yen ye gam, ee raan ye Bëny leec.

11

Paulo ku kəc rōt cəl aaye atuuc

¹ Awiēc bāk kē ca wuöc guum, tē cī yen kəñ duēr kuc. Wek aa ləñ bāk looi kēya.

² Yen aye tiēl dəm tē tīñ yen kəc kək ke wickē bīk we muər, ku ë yen lən ë Nhialic aya. Wek aa cīt nyen bīm ca lōc muəny tōk bī thiaak, yen Raan cī lōc ku dōc.

³ Wek aa ñic anyikōl wäär duöñj kēpiiny Eba ë pel nyinde. Yen ariēc lən bī wek ciēt kēnē. Wek aabi duöñj ku pälkē nhiērdun nhiēer wek Raan cī lōc ku dōc.

⁴ Ayakē guə nhiaar ku gamkē tē bīi raan dēt bī we bēn lək Jethu dēt cie yen Jethu cuk lək we. Ku wek aa puōth miēt ku tāākē wenhīm piny ku gamkē wēi ku wēt, kāk cie Wēi ku Wēt Puōth Yam wäär cuk lək we.

⁵ Aya tak lən kōckä yakē ke tīñ ciēt kek aa tuucdīt, aaciī dīt tēnē ya acīn, ku acä ye tak lən aa tuuckun kă aa loi luoi path wēr kek ya.

⁶ Tēdē, yen akēc piēc ba ñiēc ajam apath kəc nhīm, ku yen añic kañ. Kēnē aca nyuōth we kajuēc yiic ë dhəl juēc yiic.

⁷ Wek aa kēc kañ thiēc bāk ya riəp wäär lək yen we Wēt Puōth Yam ë Nhialic. Yen aci rot dhuök

piny ku luöüi ë path rin bï wek aa kəcdit. Ye kërac yen ca looi?

⁸Tëwäär luui yen ë kamkun, yen a ya ye kəc akuut kəc kək cï gam riəp. Aake ya rum bï yen we bën kony.

⁹Ku wäär rëer yen kek we, acin raan ca rääm nhom bï ya kony. Miëthakäi cï gam wäär bö Mathe- donia aaci kəriëec ëbën wiëc ke bëëi tənë ya. Acin kë ca kaŋ thiëc tənë we, ku yen acii rot bï kaŋ dər weyiëth acin.

¹⁰Ku cüt ëmën rëer yiny Raan cï ləc ku dəc kek ya, acin raan pan Akaya bä pëen ba cii jam kanhiaam kələ.

¹¹Të lueel yen ye lən yen acii rot bï kaŋ dər weyiëth, ke ye rin cii yen we nhiar? Anjic Nhialic lən nhiëer yen we!

¹²Yen abï la tuen ke ya loi kë luöüi ëmën, rin bï kəkä ciën kë ye kek nhiam, lən ye kek luui cımënda aya.

¹³Kəkä aacie atuuc acin. Aa kəc wëŋ luəiden yic, ku loikë röt ciët ke ya atuuc Raan cï ləc ku dəc.

¹⁴Acin kë gëi kəc thïn! Na cək a Bëny jakrəc ka loi rot bï ciët atuny nhial ë yer bëëi.

¹⁵Këya, acin këril tō thïn tē ye atuöcke röt cəl aaye atuuc luöi la cök. Ku keek aabi awuöc thöŋ kek kəkken loikë ke yök aköldä.

Të cï Paulo guum thïn ke ye atuuc

¹⁶Aca lueel wäär ku aben ber yic, acä wïc bï la raan ye tak lən cïn yen kë njic. Ku na yakë tak lən cïn yen nhom, ke we päl ya ba nhiam kəkkiën ya lək we.

17 Të ye γεν rot leec këlä, ke γεν ajam cïmën raan cïi käh ηic. Ku acie të wïc Bëny ye thïn.

18 Ku ëmën ye kəc kək jam ë nhiam cït të ye kəc pinynhom jιεεm thïn, aba looi këlä aya.

19 Wek aa ηic käh apει ku aηot nhiarkë bäk wël kəc kuc käh buoath yiic.

20 Wek aa wël raan we loony gam, raan kakkun cam, raan rot col aril ë we, raan nhiam rot tääu tuenη raan na cək we ηuööt nyïn, ka ηot cïn kē mankë thïn.

21 γεν acï guöp yär ba gam lön γεν akēc kakkä looi.

Kë ye raan dët wïc bi yenhom læc ye, ke γεν alec γanhom ye aya. γεν ajam ëmën ciët γa kuc käh.

22 Na yekë kuat Ibru, ke γεν ë Ibru. Na yekë kəc Itharel, ke γεν ë raan Itharel. Ku na yekë dhiënh Abaram, ke γεν ë raan Abaram aya.

23 Ye kē kəc lui rin Raan cï læc ku dəc? γεν ajam jam raan cï muöl, ku γεν ë raan ë luoi ηuëën tënë ke! γεν acï luui luoidit apει tënë ke. Ku γεν acï mac arak juēc tënë ke. Ku γεν acï that thändit apει tënë ke, ku duër thou arak juēc.

24 γεν acï that waat thiärdiäk ku dhonuan arak dhiēc kəc Judeo.

25 Ku kəc Roma aaci γa that arak diäk atuel. Ku biöök γa aleel arak tök. Ku riäi ëci riääk wïir arak diäk ke γa wëër thïn. Ku arak tök, γεν aca aköl ku wëër thöl wïir.

26 Ku akööl kək cäthdië yic, γεν acï röm kek kəkjuēc kəc nök. Ku duër mou wër yiic, ku duër cuër γa rum. Ku duër kockiën Judeo γa nök. Ku

duër kɔc cie kackië ɣa nök. Ku yök käk kɔc nök gæeth ku bëei yiic ku Adëkdiæt yic. Ku tënë kɔc röt looi ke cīt kɔc cī gam.

²⁷ ɣen ë ɣa ye luui apeī ba guöp thiai ku cā ye nin aköldët, ɣen ɣa ye cɔk nök ku rou. Ku ɣen ë lac rëer ke cīn miëth ku tē niin ɣen thīn. Ku ɣen ɣa ye rëer ɣa nök wiir rin cīn ɣen alëth juëc ɣa kony ë wiir.

²⁸ Ku kajuëc kök acā luel, ɣen ë rëer ɣa tæk akölaköl rin akuut kɔc cī gam ëbën.

²⁹ Tē niöpp raan gam yic, ke ɣen ë rot yök ɣa niöpp aya. Ku tē cəl raan raan dët aloi adumuööm, ke ɣen ë rëer ɣa rem puöu apeī.

³⁰ Na le kë cəl ɣen ajam ë nhiaam, ka käk ye nyooth lön ɣen acī ril.

³¹ Anjic Nhialic, Wun Bëny Jethu lön cīi yen lueth yen luæel. Bī rienke aleec athæer.

³² Wäär tō ɣen Damathkuth, bëny rëer ë Bënyɲaknhom Aretath cök ë cā apuruuk ë gæu tiit tōöu kal thok bīk ɣa döm.

³³ Ku ɣen acī bën tääu alom yic, ku luëëŋ ɣen tēyör päny köu ku kual rot.

12

Paulo acie nhiam käk cī nyuöth ye

¹ ɣen abī dhiel la tuen ɣa jam ë nhiaam cök alön cīn yen këpuöth ye yök thīn. Ku ëmën ɣen abī jam käk ca tīŋ cī nyuöth ë Bëny.

² Anjic ruöön thiäär ku ŋuan cī bar, raan cī gam ëcī jət ku ɣëth tēmec apeī pan Nhialic. Acā ŋic ayic lön ë yen guäpde ku lön ye kek wëike kek cī la nhial, ee Nhialic yen anjic ye.

3-4 Cīmēn awēn cī γεν ye lueel, anיע yen raan kēnē acī jat pan Nhialic. Ku aber yic, acā ηic lōn ē yen guōp ēbēn, tēdē ke ya abanη guōp yen cī γāth pan Nhialic, ee Nhialic yen anיע ye. Ku tēēn acī kāk cīi raan lēu bī ke kuany yiic yethok piη, kāk cīi pēēn bī ke cīi luel.

5 Alēu ba jam ē nhiaam rin raan cīt kēnē, ku γεν acīi nhiam ē rienkiē, rin na luōi kēya, ke pial yic diē.

6 Na wiēc ba nhiam kēlā, ka cie lōn kuc γεν kāη rin ē yic yen aba lueel. Ku γεν acīi bī nhiam rin acā wīc bī la raan ye tak lōn ηic γεν kēriēēc ēbēn, ke cie kē cāk tīη ke luōi tēdē ke luεl.

7 γεν acī nyuōth kājuēc, kēya yen acī γεν kēril γa tuōm cīt kou bēn yōk. Acīt lōn cī atuny Bēny jakrεc bēn bā bēn that ku gēl γεν ba cīi nhiam.

8 γεν acī Bēny lōη arak diāk bī kē banη γεν nyaai.

9 Ku acī bēn bēēr, “Ee dhēēηdiē yen awiēc, rin riēldiē aye jal gam apei tē ηic raan ye lōn cīi yen ril.” Kēya γεν amit puōu ba nhiam wēt cī γεν ril rin bī γεν riēl Raan cī lōc ku dōc γa tiit lōōny γaguōp.

10 γεν ē puōu miēt tē cīi γεν ril, ku tē lēēt γεν, ku tē le yen kērεc cā yōk, ku tē guum γεν, ku yōk kārīl kōk rin Raan cī lōc ku dōc. Rin tē niōp γεν ke yen ē riēldiē.

Paulo ē diεr kōc cī gam gen Korinth

11 γεν ē γa cīt raan cīn kē ηic wāār ē γεν γanhom lεc. Ku aa wek cā cōl alui cīmēn raan cīn kē ηic. Ku ηuōt aa wek aa cā lēc ke. Cōk alōn ye γεν raan cie kuēēc nhom, ke γεν acīi tō ciēēn tēnē atuuckun yakē yōk ciēt kek ηic kaη.

12 Käk raan nyuəəth lən ë yen atuuc cımən kək kəc gəi, ku kək riel Nhialic nyuəəth, aaci röt looi ë kamkun amäəth-amäəth.

13 Yenjö ca looi rin akuut kək kəc cı gam kəc looi ë rienkun, cie kē kəc yen kuəəny wıc tənē we? Pälkē awuəc ca looi piny tənē ya.

14 Kēnē yen abı nēmdiē yic a diäk tənē we ku acın kē ba wıc bı wek ya kony. Aa we nhıim wek aa wiēc ke, aacie wēəukun. Aacie mıth kek dhil kəc ke dhiēth ke muəc, aa kəc ke dhiēth kek aadhil mıth muəc.

15 Yen abı puəu miət ba we gām kəŋ ebən ayı piərđiē. Na nhiaar we apēidit kēlä, ke nhiərđun tənē ya bı kuur?

16 Abäk gam lən kəc yen rot tääu weyiēth. Ku abı raan dēt lueel lən cı yen wēt puək kəu piny ku dēep we ë lueth.

17 Ye kədē, le raan ca tuəc we, le raan cı we la ruēeny ë rienkiē?

18 Yen aci Tito ləŋ bı la, ku cal wämäəth dēt cı gam ala kek ye. Cı Tito we ruēeny. Cıi Tito ku yen kē tō yopuəth ye looi ë dhəl tōŋ thōŋ?

19 Tēdē ayakē tak tēthēer wäär lən wıc yok ye ku buk röt kony wenhıim. Aacie tēde! Yok aa jam cıt tē wıc Raan cı ləc ku dəc ye buk jıem thın ke yo dēei Nhialic. Ku kək yeku ke looi ebən mąthkuan nhiarku ke, aaye looi rin bı we kony.

20 Yen ariəc puəu ciēt ba yök ke tē ye wek ke luui thın cıi yen bı yuum puəu tē le yen bēn, ku tē ye yen ke luui thın acıi we bı yuum puəth aya. Yen ë dıer ciēt ye agəth, ku tuəc ë puəu, ku nhiər ë rot ku tiel ku lēēt ku luəm ku nhiaam ku aliäap kek ba yök.

²¹ Үен ӗ пушу риӧӧс сӗт Нхӗлӗк яа луӧӧи бӑ сӑл аяр гуӧп тӗ бен Үен we la neem. Ku Үен абӗ пушу лӧны rin кӧс жуӗс аа ӧт ke кӗс адумуӧӧмкен тӗер пуӧл, кӑк бал сӗи path.

13

Lӗк сӗӗн

¹ Кӗнӗ, yen абӗ нӗмдиӗ yic ya диӑк тӗнӗ we, “Ku куат аwuӧс ye луӗл раан гуӧп адhil а кӗн сӗ кӧс карou, тӗде ke ye кӧс жуӗс кан тӗн.” Сӗт тӗ ye wӗл сӗ гӧт аthӧр тӗер wӗл Нхӗлӗк ye луӗл thӗн.

² Wӗӗr le Үен we neem кӗн ye нӗм yic rou, Үен асӗ кӧс кӗрӗс looi ku куат раан дӗт лӗк бӗк сӗи ben la туен ke looi кӑккӑ. Ku wek аа бен лӗк ӗмӗн mec Үен ke we. Тӗ бен Үен la ka сӗн раан кӗрӗс looi ба пуӧл ke сӑ тӗм аwuӧс.

³ Абӗ кӗнӗ дhiӗл nyooth тӗнӗ we лӧн Үен ӗ jam rin Raan сӗ лӧс ku дӧс. Тӗ сӧк yen we ka сӗи бӗи нӗр, абӗ riel аpei.

⁴ Ee yic, ee сӗн riel wӗӗr piӗӗt ye tim сӗ рӗиу кӧу, ku ӗмӗн аpӗr riel Нхӗлӗк yic. Үок аа сӗн riel ӗ рӧт сӗмӗн wӗӗr сӗн Raan сӗ лӧс ku дӧс riel. Ku ӗмӗн сӗ Үок ya тӧк kek Raan сӗ лӧс ku дӧс, Үок аабӗ la riel Нхӗлӗк тӗ луui Үок kek we.

⁵ Wiӗккӗ бӑк Үен them, dhiӗлкӗ рӧт them ӗ рӧт ku абӑк Үок лӧн Raan сӗ лӧс ku дӧс арӗӗr kek we. Na cie кӗya, ke wek аасӗ mӗӗr.

⁶ Ku абӑк Үок аya лӧн асӗ кӗрӗс yen cuk looi wӗӗr бӗи Үок Wӗt Puӧth Yam тӗнӗ we.

⁷ Үок аа рӧок rin сӗн yen кӗрӗс бӑк looi, ku асӗ лӧн wiӗ Үок ye buk рӧт nyuӧth ke Үо ye атуuc path,

ɣok aa rööök bī ya kēpath yen yakē looi cək alən ye
 ɣo tīŋ ke ɣo cī kušc luui.

⁸ ɣok aa kēc Nhialic yiěk riəl bī ɣok wēt ē yic rac,
 ɣok aaci yiěk riəl bī ɣok yic ɣäth tuen.

⁹ Cək alən kəc ɣok, ke ɣok aa pušth miət tē ril wek,
 ku ɣok aa rööök lən bī wek röt bən cök.

¹⁰ Kēya, ɣen agēt athör kënë ke ɣa mec tēnē we,
 rin na la ɣet ke ɣa cī ben jam wəl rɛc tēnē we ē riəl
 cī Bēny gām ɣa, riəl bī ɣen we cəl aala cök gamdun
 yic, acie riəl rɛc ɣen we.

Muŋth ciēn

¹¹ Ku emēn miēthakāi, miət kē pušth. Yiėkkē
 wenhūim luoi la cök, piɛŋkē wəlkiē, yakē röt piēŋ
 wəl ku rēerkē ke dšör ē kamkun. Ku Nhialic ē nhiēr
 ku dšör gam abī rēer ke we.

¹² Miäthkē röt ē kamkun mušth kəc cī gam. Kəc
 Nhialic ebēn rēer ē tēn aa we mušth.

¹³ Bī dhēen Bānyda Jethu Krītho ku nhiēr Nhialic
 ku Wēike rēer ke we ebēn.

Lëk yam
New Testament in Dinka, Southwestern (SU:dik:Dinka,
Southwestern)

copyright © 2006 Wycliffe Bible Translators, Inc.

Language: Dinka, Southwestern

Translation by: Wycliffe Bible Translators, Inc.

Dinka, Southwestern

dik

Sudan

Copyright Information

© 2006, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dinka, Southwestern

© 2006, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

xxx

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files dated 29 Jan 2022

d94b9d26-33ff-5c4e-819f-5bfe86ac9e55